

U G O V O R
o izvođenju građevinsko-zanatskih radova za
JU „DRUGA OSNOVNA ŠKOLA“ u Sarajevu

Zaključen dana: 25.07.2017. godine između:

1. **“PET ZLATNIH“ d.o.o.** Sarajevo, ul. Gradačačka br. 22., koju Zastupa direktor
Mujo Bublin (u daljem tekstu **IZVOĐAČ**)
PDV-e BR. 200394000004

2. **JU „DRUGA OSNOVNA ŠKOLA“** Sarajevo, Školska br.1 **ILIDŽA-HRASNICA**, koju
zastupa direktor **Trešnjo Arnela**, (u daljem tekstu **NARUČILAC**)
ID: 4200035880007

I PREDMET UGOVORA

Član 1.

Naručilac ustupa, a Izvođač preuzima obavezu da pod uvjetima iz ovog Ugovora izvede građevinsko-zanatske radove na objektu za **JU „DRUGA OSNOVNA ŠKOLA“**-Hrasnica/Ilidža, a prema odobrenoj investiciono-tehničkoj dokumentaciji (projektnoj dokumentaciji), normativima i standardima koji važe za ovu vrstu radova.

II VRIJEDNOST RADOVA

Član 2.

Vrijednost radova iz Člana 1. ovog Ugovora sa PDV-om iznosi: **1.678,75KM**

Sl. / i jednahiljadašeststotinasedamdesetosam i 75/100 KM/

a utvrđena je na osnovu odobrene dokumentacije i usvojene ponude Izvođača i obuhvata sve poreze i dažbine vezane za ovu vrstu radova, kao i rizike eventualne izmjene istih.

Stvarna vrijednost radova iz čl. 1. ovog Ugovora utvrdit će se na osnovu fiksnih jediničnih cijena iz usvojene ponude Izvođača i količina ovjerenih obostrano kroz građevinsku knjigu.

Član 3.

Radovi koji nisu predviđeni u Prilogu 1. ovog Ugovora ili projektnom dokumentacijom, kao i radovi proizašli iz izmjene projektne dokumentacije po nalogu Naručioca, smatraju se naknadnim radovima.

Radovi po naknadnom zahtjevu Naručioca izvodit će se nakon što Naručilac i Izvođač zajedno usaglase cijenu, a potom Naručilac da pismeni nalog za rad.

III NAČIN PLAĆANJA UGOVORENIH RADOVA

Član 4.

Naručilac će Izvođaču uplatiti avans 50 %, a ostatak iznosa po završetku radova i to na transakcijski račun br. 1990490005002628.

IV ROK IZVOĐENJA RADOVA

Član 5.

Izvođač se obavezuje da će radove izvesti u roku od 30 radnih dana, a u skladu sa dinamikom koju dogovori na licu mjesta sa predstavnikom Naručioca.

Danom početka radova smatra se dan uvođenja u posao.

Danom uvođenja u posao se smatra dan kada Naručilac preda Izvođaču potrebnu investiciono-tehničku dokumentaciju, sve potrebne saglasnosti od nadležnog organa pripadajuće Općine vezane za ovu vrstu radova a što se konstatira upisom i obostranim potpisom u građevinskom dnevniku.

V GARANCIJA I GARANTNI ROK

Član 6.

Garantni rok za izvedene radove po ovom Ugovoru je dvije godine od datuma primopredaje objekta, a na opremu prema proizvođaču opreme.

Izvođač se obavezuje da u garantnom roku otkloni sve nedostatke o svom trošku. Izvođač neće snositi odgovornost za greške nastale nepravilnom eksploatacijom od strane korisnika objekta.

Ako izvođač ne otkloni nedostatke u roku koji mu odredi Naručilac, Naručilac može nedostatke otkloniti putem drugog izvođača rada a na teret Izvođača iz ovog Ugovora.

VI OSTALE ODREDBE

Član 7.

Izvođač će platiti Naručiocu kaznu za svaki dan prekoračenja ugovorenog roka 0,5% od ugovorene cijene. Maksimalni iznos penala je 5% od ugovorene cijene.

Član 8.

U slučaju spora po ovom Ugovoru nadležan je Općinski sud II u Sarajevu. Za sve što nije regulisano ovim Ugovorom primjenjivat će se odredbe zakona o obligacionim odnosima.

Član 9.

Sastavni dio ovog Ugovora čini Ponuda (Prilog br. 1.).

Član 10.


Ovlašteni predstavnik Naručioca je: Direktor Arnela Trešnje

Ovlašteni predstavnik Izvođača je: Direktor Mujo Bublin

Član 11.


Ugovor stupa na snagu danom obostranog potpisivanja i sačinjen je u 4 /četiri/ istovjetna primjerka od kojih svaka strana zadržava po 2 /dva/ primjerka.

JU „DRUGA OSNOVNA ŠKOLA“



Arnela Trešnje

„PET ZLATNIH“ d.o.o.



Mujo Bublin



Broj: 58-522/17.
Datum: 25.07.2017. g.

Broj: 1/1-17
Datum: 25.07.2017. g.